



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XLIII. Abrogatio Discretorum in Provinciis Hispaniæ, Sardiniaë, & Majoricæ.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1694.
Dat. 3. April.
1694. An. 3.

INNOCENTIUS PAPA XII.

Ad futuram rei memoriam.

Id determi-
natum fuerat
a Capitulo
Gener. 1676.
& confirma-
tum a d. Con-
gregatione.

Nuper pro parte dilectorum filiorum Euphemiani Volpini a Placentia, & Petri Hieronymi Coquicomi a Mediolano Monachorum expresse professorum Congregationis Eremitarum Sancti Hieronymi Lombardiae, & Lectorum, Congregationi Venerabilium fratrum Nostrorum S. R. E. Cardinalium negotiis, & Consultationibus Episcoporum, & Regularium praeposita exposito, quod alias nempe anno 1676. in Capitulo Generali dictae Congregationis Monachorum speciale quoddam Decretum ad favorem Monachorum Lectorum editum fuerat pro eis, qui in Civitatibus duodecim annorum spatio legissent, & ad id studium adjuncto Sacrae Scripturae studio, duodecim publicas Cathedras Magistrales sustinissent, concedebatur, ut Priores titulares existerent eodem modo, quo alias a fel. record. Clemente Papa X. Praedecessore Nostro Monachis Congregationis praedictae, qui Prioris Generalis ipsius Congregationis Officium laudabiliter exercuissent, indultum fuerat, ut absoluto Officio huiusmodi Priores pariter Titulares existerent, & declarati intelligerentur; verum tamen subinde, videlicet die 16. Decembris 1678. Decretum huiusmodi a memorata Congregatione Cardinalium confirmatum, ejusque observantia Superioribus pro tempore existentibus supra dictae Congregationis strictissime injuncta fuissent, prout in Decreto ab eadem Congregatione Cardinalium desuper emanato uberius dicebatur contineri; nihilominus postmodum, nempe in alio Capitulo Generali ejusdem Congregationis anno 1682. celebrato Decretum Capitulari praefatum a Dissinitoribus ipsius Capituli, nesciebatur qua ratione revocatum fuerat; ac cum subinde eidem Congregationi Cardinalium pro simili Decreti huiusmodi revocatione obtinenda supplicatum fuisset, ipsa Congregatio Cardinalium rei gravitate perpensa, nihil desuper absolute decreverat; sed rem ipsam per suum Decretum, similiter remisit tunc in humanis agenti Paulo ejusdem S. R. E. dum vixit, Cardinali Sabello nuncupato praefatae Congregationis Monachorum apud Sedem Apostolicam Protectori, qui subinde per quandam suam die 5. Augusti 1682. scriptam Epistolam tunc existenti Abbati Generali dictae Congregationis Monachorum se quidem praefatae Congregationi Cardinalium pro abolitione supra dicti Decreti Capitularis retulisse; sed nihil ab ea desuper resolutum fuisse; ac proinde nec a se, nec ab ipsa Congregatione Cardinalium Decretum ullum memorati Decreti Capitularis abrogatorium editum fuisse significaverat. Ideoque pro parte eorundem Euphemiani, & Petri Hieronymi asserentium se qualitatibus vigore dicti Decreti Capitularis requisitis praeditos esse, & inde ipsam eorum Congregationem desiderare, ut ipsi tanquam de ea benemeriti Prioratus Titulo decorarentur, eidem Congregationi Cardinalium supplicato, ut antequam Dieta pro eorum promotione convocaretur, primodictum Decretum supra dicti Decreti Capitularis confirmatorium a praefata Cardinalium Congregatione, sicut praemittitur, emanatum, ad eorum favorem approbare, & confirmare dignaretur; emanavit ab ipsa Congregatione Cardinalium Decretum tenoris sequentis videlicet: Sacra Congregatio Eminentissimorum, & Reverendissimorum Cardinalium, negotiis, & consultationibus Episcoporum, & Regularium praeposita, audito Patre Priore Generali praedicti Ordinis, & attentis narratis, censuit, ac decrevit, servandum esse Decretum primum Capituli Generalis, ab eadem Sacra Congregatione die 16. Decembris anni 1678. confirmatum, prout

Decretum
Congrega-
tionis.

praesentis Decreti vigore servari mandavit, quibuscumque in contrarium non obstantibus. Romae 18. Decembris 1693.

§. 1. Cum autem sicut memorati Euphemianus, & Petrus Hieronymus Nobis subinde exponi fecerunt, ipsi Decretum huiusmodi quo firmius subsistat, & servetur exactius Apostolica confirmationis Nostrae patrocinio communiri summo-
pere desiderent; Nos ipsos Euphemianum, & Petrum Hieronymum specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatae existunt ad effectum praesentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, Decretum praesentem auctoritate Apostolica tenore praesentium confirmamus, & approbamus, illique inviolabilis Apostolicae firmitatis robor adjicimus: salva tamen semper in praemissis auctoritate memoratae Congregationis Cardinalium.

§. 2. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac dictis Euphemiano, & Petro Hieronymo, aliisque, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari; sicque in praemissis per quoscumque Judices Ordinarios, & Delegatos, etiam Caesarum Palatii Apostolici Auditores, judicari, & definiti debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit dictae Congregationis Monachorum, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro expressis, ac de verbo ad verbum insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, caeterisque contrariis quibuscumque.

Datum Romae apud Sanctam Mariam Majorem sub Annulo Piscatoris die III. Aprilis MDCXCIV. Pontificatus nostri Anno Tertio.

Extenduntur binae Constitutiones de abrogandis Discretis pro Capitulis FF. Capuccinorum ad alias Provincias Aragoniae, Valentiae, Cathalauniae, Sardiniae, & Majoricae.

XLIII.

Harum Constitutionum prima ed. fuit 1693. Mar. 29. P. 3. altera vero 1693. Sept. 12. P. 3. Et Const. ed. 1696. Aug. 14. P. 6. agitur de iis, qui sunt loco Discretorum abrogatorum.

INNOCENTIUS PAPA XII.

Ad futuram rei memoriam.

Alias pro parte Charissimi in Christo Filii Nostri Caroli Hispaniarum Regis Catholici Nobis exposito, quod tam praedictorum, & Minorum S. Francisci de Observantia nuncupatorum, quam aliorum diversorum Ordinum Fratres in Regnis utriusque Castellae existentes sua Capitula Provincialia cum interventu Superiorum Localium Conventuum Ordinum huius-

Preces Le-
ctorum.

Confirmatio
relati De-
creti.

Clausula.

Dat. 5. April.
1694. An. 3.

In prima
Constitutio-
ne abrogati
fuerunt discreti
utriusque Cas-
tellae.

modi absque Discretis, seu Sociis, qui olim ab ipsis Conventibus, ad effectum sua suffragia ferendi in eisdem Capitulis eligi consueverant, tunc celebrari solebant; id siquidem præterquam quod Decretis Concilii Tridentini *Sess. 25. Cap. 6.* ibi - Nec in posterum liceat Provinciales, aut Abbates Priores, aut alios quoscunque Titulares ad effectum electionis faciendæ constituere &c. magis conforme videbatur; necessarium quoque compertum fuerat tum ad tollenda damna, & incommoda, quæ ex eorumdem discretorum seu Sociorum electione in Religiose pacis, & concordia, quæ in Ordinibus prædictis semper florere debet, præjudicium proveeniebat, tum ad impediendas relaxationes, quas dependentiâ, quam tunc Superiores a suis Subditis habebant, producebat; ipsi enim Superiores, ut dictos suos Subditos pro iis in Discretos, seu Socios hujusmodi eligendis, quos ad effectum se perpetuo suarum Provinciarum gubernio conservandi eligi necesse erat, benevolos haberent, regularis disciplinæ conservacioni, prout eorum Officii erat, incumbere negligebant. Quocirca quoties dictorum Regnorum Religiosi regularis disciplinæ hujusmodi tuendæ zelo ducti, ad ipsius Caroli Regis patrocinium pro eorumdem Discretorum, seu Sociorum abrogatione ab hac Sancta Sede impetranda confugerant, illud semper eis adfuerat, donec hujusmodi gratiam consecuti fuissent. Et in eadem Expositione subjuncto, quod dictus Carolus Rex certior factus fuerat Fratres Ordinis Minorum ejusdem S. Francisci Capuccinorum nuncupatorum in Regnis prædictis existentes non modo eadem incommoda, & damna, quæ olim religiosi aliorum Ordinum præfatorum ex electione Discretorum, seu Sociorum hujusmodi experti fuerant, pati, sed & alia multa concurrere, propter quæ Fratres prædicti usum eligendi Discretos, aut Socios prædictos in Provinciis dictorum Regnorum abrogari plurimum desiderabant, adeoque ipsius Caroli Regis zelum sollicitabant, ut Apostolica desuper auctoritate nostræ partes interponi similiter curaret. Nos supplicationibus ejusdem Caroli Regis nomine Nobis super hoc humiliter porrectis inclinati, Discretos prædictos in Provinciis utriusque Castellæ Fratrum dicti Ordinis Capuccinorum, sub certis modo, & forma tunc expressis auctoritate Apostolica sustulimus, & removimus, & alias prout in Nostri in simili forma Brevis die 29. Martii 1693. desuper expeditis Literis plenius continetur; subinde vero pro parte ejusdem Caroli Regis Nobis iterum exposito, quod in præfatis Nostri Literis trium Provinciarum Regnorum utriusque Castellæ d. Ordinis Capuccinorum, nempe Castellæ Veteris, & novæ nuncupatæ, necnon Bæticæ, & Navarræ Provinciarum distincta, & expressa mentio facta non fuerat, quinimo nec in eisdem Literis provisum fuerat, quod loco supradictorum Discretorum Conventualium, sicut præmittitur, sublatorum, & remotorum pro tempore existentes earundem Provinciarum Diffinitores, & Custodes, necnon is saltem, qui novissime in illis Provincialibus Officio respective functus fuerat, in earum Diffinitoriis, & Capitulis Provincialibus Votum, seu suffragium respective habere deberent, quemadmodum ipse Carolus Rex pro peculiari suo in Ordinem prædictum devotionis affectu, commune ipsarum Provinciarum bonum promovendi studio ductus Nobis supplicari fecerat; ac proinde opportuna in præmissis a Nobis provideri; necnon præterea quod in Provinciis prædictis Capitula Provincialia de sesquianno in sesquiannum celebrari deberent, quemadmodum fel. rec. Clemens Papa X. prædecessor Noster pro omnibus ejusdem Ordinis Provinciis per quasdam suas itidem in for-

ma Brevis anno 1676. desuper expeditas Literas præscripsisse dicebatur, decerni, & ordinari plurimum desiderabat. Nos porrectis Nobis hac in re pro ejusdem Caroli Regis parte precibus benigne annuentes eadem auctoritate declaravimus remotionem, & abolitionem Discretorum Conventualium in Provinciis utriusque Castellæ Fratrum dicti Ordinis Capuccinorum factas, ut præfertur, expeditasque desuper Literas Nostri prædictas intelligendas esse non solum respectu Provinciarum utriusque Castellæ veteris, scilicet, & novæ, verum etiam respectu Provinciarum Bæticæ vulgò *Andalusis*, necnon Navarræ, & quatenus opus esset, remotionem, abolitionem, ac nostras Literas hujusmodi ad supradictas Provincias Bæticam, & Navarram dicta auctoritate extendimus, & ampliamus. Præterea eadem auctoritate decrevimus, quod vice, & loco prædictorum Discretorum in tribus Provinciis hujusmodi, sicut præmittitur, sublatorum, & abolitorum Diffinitores, atque Custodes, & immediatus Exprovincialis earundem Provinciarum in ipsarum respective Diffinitoriis, & Capitulis Votum haberent, dictarumque Provinciarum Capitula de sesquianno in sesquiannum deinceps celebrari deberent, & alias prout in aliis nostris in eadem forma Brevis die 12. Septembris proxime præteriti desuper emanatis Literis, quarum, & prædictarum nostrarum Literarum tenores præsentibus pro plene, & sufficienter expressis, & insertis haberi volumus, uberius continetur.

§. 1. Cum autem sicut dictus Carolus Rex Nobis nuper denuo exponi fecit, ipse binas Literas nostras prædictas ad Provincias Aragoniæ, Valentia, Cathalonie, Sardinie, & Majoricæ dicti Ordinis Fratrum Capuccinorum per Nos extendi plurimum desideret. Nos piis ejusdem Caroli Regis Votis hac in re, quantum cum Domino possumus, favorabiliter annuere volentes, supplicationibus ejusdem Caroli Regis nomine Nobis super hoc humiliter porrectis inclinati de Congregationis nonnullorum ex Venerabilibus Fr. nostris S. R. E. Cardinalibus a Nobis particulariter deputatæ consilio, binas nostras Literas supradictas, omniaque in illis disposita quoad Provincias Fratrum Capuccinorum utriusque Castellæ Veteris scilicet, & novæ, nec non Bæticam, & Navarræ, ad Provincias eorumdem Fratrum Capuccinorum Aragoniæ, Valentia, Cathalonie, Sardinie, & Majoricæ auctoritate Apostolica tenore præsentium extendimus pariter, & ampliamus.

§. 2. Decernentes ipsas præfentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscunque Judices Ordinarios, & Delegatos, etiam causarum Camera Apostolicæ Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, necnon Provinciarum, & Ordinis hujusmodi, aliisque quibusvis etiam juramento, confirmatione Apostolica, vel quavis firmitate alia roboratis Statutis, & consuetudinibus, necnon omnibus, & singulis illis, quæ in præfatis nostris Literis concessimus non obstare, cæterisque contrariis quibuscumque.

§. 4. Volumus autem, ut earundem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides

In altera
Constitutio-
ne declarata,
& extensa
fuit prima ad
Provincias
Bæticæ, &
Navarræ.

Preces Regis
Catholici.

Extensio præ-
dictar. Con-
stitutionum.

Clausula.

tam in iudicio, quam extra illud habeatur, quæ
ipsis præsentibus haberetur si forent exhibitæ, vel
ostensæ.

Datum Romæ apud S. Mariam Majorem sub
Annulo Piscator. die V. Aprilis MDCXCIV. Pon-
tificatus Nostri Anno Tertio.

XLIV.

Conceditur Alumnis Provinciæ novi Regni Gra-
naten. Ord. Erem. S. Augustini in Indiis Occi-
dental. facultas suscipiendi gradus Scholasti-
cos in eorum Collegio S. Nicolai Civitatis
S. Fidei.

*Urbani VIII. Const. ed. 1625. Apr. 24. P. 2. agitur
de promovendis in gradibus in Hispania, & Indiis.
Et Clem. XI. Const. ed. 1701. Jun. 4. P. 1. con-
ceditur alumnis Civitatis Laguna facultas susci-
piendi gradus in eorum Collegio.*

INNOCENTIUS PAPA XII.

Ad futuram rei memoriam.

Dat. 24. Apr.
1694. An. 3.

Exordium.

EX injuncto Nobis divinitus pastoralis solici-
tudinis munere Sacram, bonarumque li-
terarum studia inter Christianifideles Altissimi ob-
sequis sub suavi Religionis jugo mancipatos ubi-
que locorum, ac præsertim in remotissimis ab
hac Sancta Sede partibus opportunis rationibus
fovemus, & promovemus, ac ut debitus vir-
tuti honor rependatur liberiter providemus, sicut
ad omnipotentis Dei gloriam, Religionis decus,
& incrementum, ac Catholicæ fidei præ-
sidium, & prorogationem salubriter expedire in
Domino arbitramur.

Causa Con-
cessionis.

§. 1. Exponi siquidem Nobis nuper fecit dile-
ctus filius Josephus Bernaldo de Quiros de Li-
ma Diffinitor, ac Procurator Generalis Provin-
ciarum Quiten., & novi Regni Granaten. in In-
diis Occidentalibus Ordinis Fratrum Eremitarum
Sancti Augustini, quod cum alias dicta Pro-
vincia novi Regni Granaten. ab initio suæ funda-
tionis Peruanæ ejusdem Ordinis, & dictæ Qui-
ten. Provinciis unita esset, privilegio, quod ejus
Alumni in Quiten. sub Sancti Fulgentii per quas-
dam fe. re. Sixti PP. V. Prædecessoris nostri ac
Limana sub Sancti Ildephonsi respectively denomi-
nationibus per alias re. me. Pauli PP. V. Præ-
decessoris pariter nostri in simili forma Brevis li-
teras respectively erectis Studiorum Generalium Uni-
versitatibus ad Magisterii, seu Doctoratus, alio-
que Scholasticos gradus, promoveri possent,
fruebatur: Verum quia illa postmodum a dictis
aliis duabus Provinciis subdivisa fuit, privilegio
hujusmodi destituta remansit, ac exinde illius
Alumni præfati pro gradibus hujusmodi conse-
quendis, vel extraneos adire, vel ad Provincias
septingentorum circiter milliarium intervallo dis-
tantes iter cum nimio sumptu, & incommodo
suscipere coguntur.

Preces Proc.
Gen.

§. 2. Cum autem sicut eadem expositio sub-
jungebat, dicta Provincia novi Regni Gra-
naten. doctrina, & regulari observantia adeo flo-
rescat, ut in his ipsi Provinciæ Quiten. antecel-
lat, ac proinde dictus Josephus plurimum cupiat
a nobis indulgeri, ut in Collegio sub titulo San-
cti Nicolai Episcopi intra, vel extra septa Con-
ventus nostræ Divæ de Gratia nuncupatæ Civi-
tatis S. Fidei eorundem Ordinis, & Provinciæ
novi Regni Granaten. erigendo Provinciæ hu-
jusmodi Alumni gradus prædictos suscipere va-
leant: Nos ejusdem Josephi votis in præmissis,
quantum cum Domino possumus favorabiliter
annuere volentes, eumque a quibusvis excom-
municationis, suspensionis, & interdicti, aliis-
que Ecclesiasticis sententiis, censuris, & poenis,
a jure, vel ab homine quavis occasione, vel cau-
sa latis, si quibus quomodolibet innodatus exi-

stet ad effectum præsentium dumtaxat conse-
quendum harum serie absolventes, & absolutum
fore censentes, supplicationibus ejus nomine nobis
super hoc humiliter porrectis inclinari, de Vene-
rabilium Fratrum nostrorum S. R. E. Cardinalium
Concilii Tridentini Interpretum consilio, & at-
tenta relatione Venerabilis Fratris nostri Palatii
Episcopi Prænestin. ejusdem S. R. E. Cardinalis
de Alteriis nuncupati dicti Ordinis apud nos, &
Sedem Apostolicam Protectoris super præmissis
eisdem Cardinalibus facta, præfatis Alumnis
Provinciæ novi Regni Granaten. hujusmodi, qui
fratres expresse professi dicti Ordinis fuerint, ut
peractis in Collegio erigendo prædicto, seu alibi
studiorum suorum curriculum, prævioque rigo-
roso examine Baccalaureatus, ac Magisterii, &
Doctoratus in Philosophia, & Sacra Theologia
gradus in eodem Collegio ab illius Rectore pro
tempore existente suscipere ipsique Rectori eod-
em gradus dictis Alumnis ad formam prædi-
ctarum Sixti, & Pauli Prædecessorum literarum
conferre libere, licite, & valide possint, & va-
leant respectively auctoritate Apostolica tenore
præsentium concedimus, & indulgemus, salva
tamen semper in præmissis auctoritate Congre-
gationis memoratorum Cardinalium.

Concessio
prædict. ad
instar illius
Universitati-
bus Quitenæ
& Limanæ
factæ.

Clausula.

§. 3. Decernentes ipsas præsentis literas sem-
per firmas, validas, & efficaces existere, & fore
suosque plenarios, & integros effectus sortiri, &
obtinere, ac illis, ad quos spectat, & pro tempo-
re spectabit in omnibus, & per omnia plenissime
suffragari: Sicut in præmissis per quoscumque
Judices Ordinarios, & Delegatos, etiam causa-
rum Palatii Apostolici Auditores, judicari, &
definiri debere; ac irritum, & inane, si secus
super his a quoquam quavis auctoritate scienter,
vel ignoranter contigerit attentari.

§. 4. Non obstantibus Constitutionibus, &
Ordinationibus Apostolicis, ac quibusvis etiam
juramento, confirmatione Apostolica, vel quavis
firmitate alia roboratis statutis, & consuetudini-
bus; privilegiis quoque, indultis, & literis Apo-
stolicis in contrarium præmissorum quomodolibet
concessis, confirmatis, & innovatis. Quibus
omnibus, & singulis, illorum tenores, præsen-
tibus pro plene, & sufficienter expressis, ac de
verbo ad verbum insertis habentes, illis alias
in suo robore permansuris, ad præmissorum
effectum hac vice dumtaxat specialiter, & ex-
presse derogamus, cæterisque contrariis quibus-
cumque.

§. 5. Volumus autem, ut earundem præsen-
tium literarum transumptis, seu exemplis, etiam
impressis, manu alicujus Notarii publici subscri-
ptis, & sigillo personæ in Ecclesiastica dignitate
constitutæ munitis, eadem prorsus fides ubique
locorum tam in iudicio, quam extra illud habeatur,
quæ haberetur ipsis præsentibus, si forent
exhibitæ, vel ostensæ.

Datum Romæ apud Sanctam Mariam Ma-
jorem sub Annulo Piscatoris die XXIV. Aprilis
MDCXCIV. Pontif. Nostri Anno Tertio.

Erigitur Oppidum Alesien. Nemaufen. Diocesis
in Civitatem, ejusque Ecclesia S. Joannis Bap-
tistæ in Cathedrallem.

XLV.

*Similis erectio Oppidi de Penkim Mechaon. Diocesis
extat Const. ed. 1690. Apr. 10. Pont. 1.*

INNOCENTIUS EPISCOPUS

Dat. 16. Maii
1694. An. 3.

*Servus Servorum Dei. Ad perpetuam rei
memoriam.*

ANimarum zelus nullis terminis comprehen-
sus, universalisque Dominici Gregis cura
Nobis licet immeritis ex alto commissa, necnon